

起日卦例

凡起日卦,于月中寻日,以流月卦前一爻为初一日,每爻管五日,阳日寻阳爻位(初、三、五为阳位),阴日寻阴爻位(二、四、上为阴位)。假如正月得乾卦初爻,初一日当在三爻变为履六三,初二日变履九四为中孚六四,初三日变中孚九五为损六五,初四日变损上九为临上六,初五日变临初九为师初六,挨次而变,不容紊也。若月卦得乾二爻,则初一日在三爻起,不待言矣。余仿此。今以乾卦为例于后。假如乾九二居位,进一爻起节气。假如正月节气在十二月小尽,二十八日立春,就从二十八日起数是也。

二十八日变乾九三䷊,为履六三䷉,
二十九日变履九四䷊,为中孚六四䷼,
初一日变中孚九五䷋,为损六五䷨,

初二日变损上九䷨,为临上六䷒,

初三日变临初九䷒,为师初六䷑

初四日另画一乾卦变九四䷔,为小畜六四䷈,

初九日另画一乾卦变九五䷔,为大有六五䷍,

十四日另画一乾卦变上九䷔,为夬上六䷪,

十九日另画一乾卦变初九䷒,为姤初六䷫,

二十四日另画一乾卦变九二䷔,为同人六二䷌。

六爻俱变毕则满三十日,是为一月之日卦,余仿此推之。